



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Clemens VI. Iubilei anni remissionis quinquagesimi institutor, et ciuitatis Auinione[n]sis pro Eccl. emptor. Emblema. I. in malleo & Ecclesia repr[a]esentatum. cap. XXIII.

**urn:nbn:de:hbz:466:1-38397**

Apparatus super Decretalibus, lib. 5. qui excusi sunt Venetijs anno 1495. in folio, & alibi aliquoties: nouissime uero commentaria eiusdem in quinque libros Decretalium, necnon in Decretales per eundem editas, à Petro Vendrameno, ad ueterum & recentiorum exemplarium fidem collata, & ab innumeris erroribus repurgata, cum annotationibus quamplurimum Iuriscōsultorum, Venetijs apud Bernardinum Maiorinum anno 1570. in 4.

Accessit Index, cum nouis summarijs, & Margarita Baldi de V. baldis Perusini, Francofurti 1570. in fol. & Lugduni 1578. in folio.

## CLEMENS VI.

Iubilei anni remissionis quinquagesimi institutor, & Ciuitatis Auinionensis pro Ecclesia emptor.

Emblema I. in malleo & Ecclesia representatum.

ipse enim

*Sanctificauit annum quinquagesimum, & uocauit remissionem cunctis habitatoribus terre, ipse est enim Iubileus. Levit. 25.*

Cap. XXIII.



INTER omnes actiones quas fecit Clemens VI. ex Monacho Pontifex, nulla illustrior & laudabilior illa, qua Pontificis summi habitu, malleum dextra tenentis, & portam Ecclesie ante se constituta se percutere uelle demonstrantis, cernitur. Hac enim significatur ipsum post Bonifacium VIII. qui Iubileum plenarie remissionis & indulgentie omnium peccatorum, centesimo quoque anno primus Romæ instituerat an. 1300. propter breuitatem uitæ humanæ, ipsius Iubilei annum centesimo, ad quinquagesimum quæque annum, an. 1350. reduxisse; ut quod carnaliter olim apud Hebræos gerebatur, hoc in animabus nostris spiri-

Spiritualiter fieret. Id cum omnes testentur, tum maxime probat au-  
 ctor quidam innominatus in subsequentibus versibus, rythmi po-  
 tius quam metri formam habentibus, qui per me in Bibliotheca  
 nostra S. Benedicti reperti, digni nisi sunt, licet barbari uideantur,  
 qui hoc loco reponerentur.

## De Iubileo carmen.

Stellifer erutilat iam grandi scemate mundo,  
 Nam renouans animam, quod constat nata secundo,  
 Instar habens Aquilæ, quod rexistis penetrando  
 Pana gehennalis ruit, ob hoc corde parato  
 Vestigium Petri perat, is mex sorde fugato  
 Expleat insontes, ibi sat ter quinque diesue,  
 Numinis in laude, tibi quærens xenia suaue.  
 Papa Clemens Sextus fuit huic translator eiusdem  
 Fretus ope Comitum tulit, & gaudia tandem  
 Sub salutiferum; nam seruus libere quondam  
 Præmia continuit, quoniam liber suenerat idem  
 Omnibus extersis, tum uernans corruat ætas,  
 Sub satir indicio dum flores umbra uanescas.  
 Ergo celer propera, ne captus mortis in hora,  
 Adueniam grandem sine labe mentis ab ora.  
 Annellus uebitur nouum quadragies affans  
 Conscius hic (quater millenis inbilat instans.  
 Papa Nicolaus dum regnat metricè quintus,  
 Præfulis in throno, sed Cæsaris arida uirtus.

Cæremonia autem sanctam Iubilei portam aperiendi est huius-  
 modi. In Vigilia Natiuitatis Domini Pontifex Pontificalibus indu-  
 tus, primam ante Altare quod non longe ab ipsa porta fabricatum  
 est, genuflexus hymnum, *Veni creator* imponit; quo dicto surgens,  
 cum ministris sibi astantibus, uersus portam sanctam eundem hym-  
 num profequendo progreditur: ad quam cum peruenerit, antequam  
 malleo argenteo, uel æneo, quem manu tenet ipsam feriat dicit  
 versum.

Vers. *Aperite mihi portas iustitiæ; respondentibus omnibus*

Resp. *Ingressus in eam confitebor Domino.*

Quo dicto semel portam percutit; deinde eodem modo usque  
 tertio facit dicens ante secundum ictum,

Vers. *Introibo in domum tuam Domine;*

Resp. *Adorabo ad templum sanctum tuum in timore tuo.*

R R r 4 Et

Et ante tertium. *Vers.* *Aperite portas quoniam nobiscum est Deus.*  
*Resp.* *Qui facit virtutem in Israel.*

Quo finito, tunc Pontifex Mitria deposita, & malleo maiori Pen-  
 tentiario consignato, in loco sibi deputato erectus & stans dicit,

*Vers.* *Domine exaudi orationem meam.*

*Resp.* *Et clamor meus ad te ueniat.*

*Vers.* *Dominus uobiscum.*

*Resp.* *Et cum spiritu tuo.*

*Oremus.*

*Oratio.*

*Actiões nostras quasumus Domine aspirando præueni, & adiuuando  
 prosequere, ut cuncta nostra oratio, & operatio à te semper incipiat, &  
 per te cæpta finiatur. Per Christum Dominum nostrum. Amen.*

*Interim uero dum hæc dicit aperitur Porta, qua aperta antequam in-  
 tret dicit.*

*Vers.* *Hæc dies quam fecit Dominus.*

*Resp.* *Exultemus & lætemur in ea.*

*Vers.* *Beatus populus tuus Domine.*

*Resp.* *Qui scit iubilationem.*

*Vers.* *Hæc est porta Domini.*

*Resp.* *Iusti intrabunt in eam.*

*Vers.* *Domine exaudi orationem meam.*

*Resp.* *Et clamor meus ad te ueniat.*

*Vers.* *Dominus uobiscum.*

*Resp.* *Et cum spiritu tuo.*

*Oremus.*

*Oratio.*

*Deus qui per Moysen famulum tuum populum Israelitico annum Iubi-  
 lei, & remissionis instituisti, concede propitius nobis famulis tuis, Iubi-  
 lei annum hunc, tua auctoritate institutum, quo portam hanc populo tuo  
 ad preces tuæ Maiestati porrigendas ingredienti, solenniter aperiri uo-  
 luisti, feliciter inchoare, ut in eo uenia, atque indulgentia plena remis-  
 sionis omnium delictorum obtenta, cum dies nostræ uocationis aduenit,  
 ad caelestem gloriam persfruendam, tuæ misericordiæ munere perducamur.  
 Per Christum Dominum nostrum: Amen.*

Tunc Pontifex acceptis in dextra manu Cruce, & in sinistra ce-  
 reo accenso, portam ingressurus imponit canticum, *Te Deum lauda-  
 mus*: quo decantato, decantantur & *Vesperæ*, & ijs finitis omnes  
 ad sua redeunt.

*Volateranus lib. 2. 2. Sabellicus Enneadis 9. lib. 8. Panninus de septem ce-  
 clesijs Romæ, & alibi, Genebrardus, lib. 4. chronologia, & alij infirmati.*

## Emblema II. in Ciuitate designatum.

*Preualuit, enim, amplificare ciuitatem. Eccles. 50.*



N sinistra etiam manu Ciuitatem gestare videtur, qua innuitur ipsum ad sacrosanctæ Ecclesiæ Romanæ opes augendas, Ciuitatē Auinionensem Pontificis Romani tunc temporis sedem, à Regina Neapolis Ioanna, emisse, quæ ab eo tempore in perpetuum Pontificii uiris facta est. *Platina, in eius*

*uita, & alij ab eo desumentes.*

De reliquis eius actibus non loquor, ut de doctrina eius pauca disserere valeam. Theologiæ enim, & DD. Doctor cum esset, & supra omnia facundissimus & eloquens, unde etiam audientes sæpius in admirationem inducere solebat, multa scripsisse fertur, de quibus tamen pauca ad manus meas peruenerunt; præcipua hæc sunt

De canonizatione S. Iuonis, quem ipse in SS. numerum retulit, lib. 1. qui sæpius excusus est, & nouissime cum surio tomo 3. die 19. Maij.

De approbatione Caroli Regis, lib. 1.

Sermonum, lib. 1. Collationum, lib. 1.

Epistolarum ad diuersos, lib. 1.

Fecit & Missam pro mortalitate, *Recordare Domine testamenti tui.*

Vidi & ego Romæ in Bibliotheca Vaticana, Epistolarum, & Decretalium eius multa uolumina MSS. quæ reseruantur in cubiculo secretiori, quod est ad sinistram partem ingredientibus Bibliothecam.

Alia si quæ scripserit, ut uerisimile est, necdum uidi.